

中华全国图书馆

文献缩微中心



山西省图书馆 摄制

1989

(同治)陽城縣志十八卷首一卷
(清)賴昌期修譚澐盧廷棻纂
清同治十三年(1874)刻本
八冊

原件收藏

山西省图书馆

原件书号

25386-93

原件状况

原件有部分有污迹

原件有部分字迹模糊

原件个别地方破损

本部书共摄制 1 卷 卷一至卷十八

版权所有 不准复印

本部书开始


本片卷含： 卷一至卷十八

坂縣志

卷一

天文山川
圖考
目錄
建置

序文
凡例
姓貫



新脩陽城縣志序

邑志自乾隆七年續脩迄今百有餘歲

間民風之厚俗人材之盛稟宦績之

猛暴不重加纂輯想久而無徵何以仰副我

朝文教之延敷資通志輔軒之詢問哉

(25386)

01602

期

案臨陽樓三晉之勝陽山之勝陽華以
邦是以下車後微默考文即有志於斯
終念才疎學淺遭責以信今傳後之文
慄焉焉恐其未逮旋值邑紳靈荀三廣文
主講書院屢言邑志當脩遺山剩水未
邑志自乾隆乙亥續脩迄今百有餘歲
其間民風之厚薄事物之變更人材之
盛衰官績之寬猛莫不重加纂輯恐
愈久而愈無可徵何以仰副我

朝
文教之誕敷資通志輶軒之詢問裁創

期寧蒗陽陵三書異之物名山之脈
邦是以下車後徵獻考文即有志於斯
務念才疎學薄遽責以信今傳後之文
慄之焉恐其未達旋值邑紳靈荀三廣文
主講書院屢言邑志當脩遺山刺水未入
前志者尚屬不少蓋以其辨團八年編查
隘口深悉山水源流遂趨之蒐羅舊跡考
證前聞復集同事者徐劉兩孝廉衛田
兩廣文暨曹封翁衛博學互相彙集春
秋兩易漸有頭緒諸君乃謙讓不遑未肯

猶以前輩遺碑... 衡文至澤均典期恒切也鄉因以舊志就
正悉道其體例未能盡善且遺漏殊多
爰延之來陽與諸君悉心參酌別類分門
更為條例而於舊志正其舛訛補其缺略

者凡數十事其大端有五一日縣疆域圖窠
志雖有輿圖頗涉淆雜今用闡方計里法
以營造尺縱橫一尺析為方百四十有四每
方五里方一尺為六十里山必辨其方位水
必晰其源流俾覽者舉目了然一日建

置沿革志

周齊隋唐諸代詳加剖析而悉正其訛
一日天文志僅有分野一事尚舉崑崙而
遺參茲既詳辨其誤又於縣治之北極
出地度偏 京師東西度及各節太陽

午正之高度四時晝夜之長短凡舊志
所未及詳者悉為補載一曰山川縣境廣輪
百里而知名山川則祈城王屋著於尚
書輔山嶠嶢詳於史冊川則水經注河
水條之教水溱水濟源南之白澗水古稱

漢梁郡縣南之滎水沁水滎水滎水滎水
上泗水凡滎志所未及究者皆一溯其
源而正其名一曰古蹟大舜漁於護澤
見於墨子其書遠在史遷之前成湯禱
於桑林著於紀年其名亦見穆天子傳

說皆傳自周秦並非流俗附會志
概指為誣未為允當他如學校職官
人物兵祥藝文等亦皆有補有正至
於舊志已經四脩其中搜羅之富去
取之嚴熟具精識苦心亦不敢漫為增

損惟是乾隆迄今百二十年既無野
史激信後之故老傳聞雖經諸君
子博採旁搜而仍不免缺漏矧余愧
無文雅之才謬任纂脩之責覽新
系者系謂較昔稍增明備皆諸君

子分任之勞如或有淺陋之譏實期

自貽之羞於諸君子無與焉嗚呼

事之詳略目乎時文之繁簡因夫

事是書也成庶幾百年文獻不致

歷久考而失其傳一邑典章有以續

前緒而補其漏也。期之素志也。
夫去取貴當筆削綦嚴凡例已詳
言之茲不復論云。

即補同知直隸州知州知陽城縣
事星沙賴昌期序

凡例

一縣境山川圖舊志遠近無倫甚至東西淆亂今用開方記筆法
然圖大小則易疏畧而東西可展南北不便接觀故於南北分
為二幅一北幅二南幅合之則為一圖庶閱者舉目瞭然
一舊志分門未為盡善今揭其大綱為十四門如山川城池疆域
關隘官署等以方輿一門統之忠節孝友文苑義行隱逸等以
人物一門統之宦蹟以職官統之仕籍以選舉統之斯綱張目
舉以類相從而不紊雜

一舊志分野今改天文增入縣治經緯度及各節太陽午正高

竝太陽出入時刻
舊山川分列四境茫無倫次今於山仿禹貢例以水爲界分註
爲五條川則仿水經注體敘其源委其已入縣界或已出縣界
者概從畧

學校一門申載 文廟祀典雖屬天下州縣所同然陽城舊儀
率多未備前令徐璈始增置禮器而樂舞尙缺畧近年始將樂
器舞容詳考增入故不敢從畧

舊志職官科目皆用直書今改作表以便觀覽

一職官自乾隆以來遠者事蹟多無可考故立傳者寥寥其有他
事可傳而不關陽城政蹟或在陽城政蹟可書而人現存者竝
不得立傳

一選舉一門進士舉人鄉貢並詳載科分年分惟明代鄉貢年分
康熙舊志與府志多參差無所適從故從畧舊志鄉貢後載有
例貢今竝仍其舊附載於科目表下一層

一選舉一門科目及例貢既列爲表其餘更列仕籍一目凡姓名
已見例貢中者不重書凡賜封恩廕等並附列仕籍中

一乾隆舊志改康熙宦業爲人物次忠節次孝友次文苑次義行
次隱逸凡六門其實忠節孝友等莫非人物也今仍改人物爲

宣業與忠節孝友文苑餘能以人物門統之今以人
一乾隆志謂八景圖形勢失真僅圖其半固爲有識之論然不據
真形沾沾取彼棄此恒有議其偏者茲據形全繪不沒舊粉意
一陳文貞相國祖籍初係澤州然其自題譜牒云緬維卜東莊始
自宣德年蓋稽其於宣德四年其先世已遷居邑東之郭峪逮
入國朝康熙年仕宦輩起由此時回溯遷來幾三百載而兩
修縣志僅列流寓其科名暨相業之盛概未收錄殊不足慰山
川鍾毓之靈副士民折衷之論茲近五百年終不得與土著並
傳可乎哉且乘中紳宦其先人由他籍遷來正復不少一概置
諸流寓必有訕笑而阻之者矣所以搜而詳錄世之攀援顯宦
增光我乘者不得以此爲藉口

一同知署雖在縣境儀從府制不敢與縣令齒列故職官表首列
實任知縣署任者仍仿舊志不載然程國觀除暴安良弭侯井
之變陳松齡善後事宜立團練之方郡尊卓熙泰曾任同知而
攝縣事仁風翔洽口碑尚存及鄧琛濟荒訓士林纁遏寇衛民
程繼三以沁令兼理縣篆平反疑獄萬家頌明斷之才追逐寇
氛一郡享保全之樂茲數人者從民願而著勞績均不可不志

陽城縣志目錄

首卷 序文

凡例

姓氏

圖考

二卷 建置 沿革

天文

三卷 方輿 山川

四卷 方輿 城池 疆域 官署 關隘 津梁 形勝

五卷 賦役 風俗 稅課 物產 丁戶

六卷 學校 祀典 樂譜 圖考 舞容

七卷 職官 表 職官 傳

八卷 選舉 上 科甲 武科

陽城縣志目錄
卷一 賦役
卷二 學校
卷三 方輿
卷四 方輿
卷五 賦役
卷六 學校
卷七 職官
卷八 選舉

九卷 選舉 下 真郎

仕錄 屬辟

十卷 人物 上

官業

十一卷 人物 下 義行

忠節 孝女 文苑 隱逸

十二卷 列女 上

十三卷 列女 下

十四卷 藝文

十五卷 藝文

十六卷 藝文

十七卷 藝文 兵祥

十八卷 雜志

新修陽城縣志

鑒定

卽補道澤州府知府 古藤州卓熙泰

總修

特用同知直隸州知州知陽城縣事湘 西賴昌期

監修

特用同知調署陽城縣武 林高乃所

陽城縣教諭 并 州李瑞映

陽城縣訓導 龍 泉任登第

鹽提舉銜候選通判陽城縣典史陽羨任廷慶

纂修

湖廣南 湘潭縣舉人譚洪

書院山長前署山陰縣訓導邑人盧廷泰

分修邑人

丁酉舉人平定州學正徐鑑

奉 政 大夫 銜曹升秀

庚午舉人候選教諭劉易華

優 行 廩 生衛捷先

辛酉拔貢試用訓導衛之鴻

增 貢 試 用 訓 導田淑農

輯錄

候 選 府 經 歷 星 沙汪宗岱

邑 庠 附 生張西銘

參閱邑人

戊午歲貢前署平陽府教授李錕

增 廣 生 員楊維清

己 未 舉 人延彭年

甲

子

舉

人楊伯康

辛酉拔貢河南試用直州判任錫章

優行 廩 生趙鳴珂

採訪邑人

附 生劉棟 附 生張竹岩

附 生田汝翼 附 貢燕煥

布 衣段毓騏 監 生王濛恩

增 生白倫綱 附 生衛淇泉

廩 生侯維棠 附 生白禮西

附 生馬翰如 監 生張習

廩 生鍾瑾奇 附 生馬樂相

廩 生楊念先 附 生白楚玉

廩 生梁福年 附 生宋春榮

廩 生原廷璧 附 生陳翬之

校對邑人

壬戌歲貢 候 選 訓 導馬西極

甲子歲貢 候 選 訓 導郭玉珩

鹽提舉銜 候 選 州 同王錫瓚

附錄 學

訓生

員崔嘉衡

癸酉拔貢候選直州判田焱

督梓邑人


候選人

選

都

司衛之鵬

分發河南試用縣丞田騰瀛



皆

龍飛同治十三年歲次閏逢閏

茂律中夾鐘上浣之吉日




致辭中央黨部外知時

集國治十三年致辭中央黨部




縣境全圖


冊前圖





丹後國 丹後縣





城圖



高第街小四合院



应为五页







天香堂

楊侯祠

舊在天王臺成豐戊午
另於此於此廟東殿



析城喬木




脩真古洞



藍亭列嶂




埋葬孤峯






海會龍湫





九女松





陽城縣志卷之二

建置沿革

唐虞夏

禹貢冀州之域析城王屋並在縣境

商

冀州之域相傳爲畿內地曰桑林湯禘兩處

周

春秋戰國

爲濩澤地穆天子傳四日天子休於濩澤是也春秋初爲狄皋落氏所據曰穰桑國語晉太子申生敗狄於穰桑是也晉文襄



時地入秦晉戰國漢澤屬韓城屬秦

秦漢之際此縣大千世曰天

漢澤縣舊志以為屬上黨郡無據當與漢同屬河東郡

漢文侯之封田畝為縣曰

前漢澤屬河東郡漢承秦置河東郡領縣二十四其第十縣為澤

澤縣北境為陽阿縣屬上黨郡郡領縣十四第十三縣曰陽阿

後漢

漢澤侯國屬司隸河東郡陽阿侯國屬并州上黨郡

魏

漢澤初屬司州河東郡少帝曹芳正始八年分河東十縣為平

陽郡漢澤屬焉

晉

漢澤縣屬司州平陽郡陽阿縣廢西晉之末陷于五胡歷前趙

後趙前燕前秦西燕後燕而卒歸于北魏

北魏

漢澤初屬建興郡文成帝興安二年自故城移今治仍名漢澤

初西燕慕容永據長子稱帝分上黨置建興郡及魏太武帝太

平貞君九年省文成帝和平五年復孝明帝孝昌中增置泰寧

郡于縣故城置西漢澤縣屬焉孝莊帝永安中復罷建興郡
建州領郡四曰高都曰長平曰安平曰泰寧漢澤屬安平郡西
漢澤屬泰寧郡

北齊

省并郡縣泰寧郡西漢澤並廢建州領高都長平安平三郡漢
澤屬安平郡

後周

建州領高平安平二郡漢澤屬安平郡

隋

文帝開皇初安平郡廢是時盡廢諸郡以州治民職同郡守無
復刺舉之任而建州改澤州漢澤屬焉煬帝改州爲郡澤州曰
長平郡縣之隸屬如故

唐

高祖武德元年于漢澤縣置澤州爲刺史治所八年刺史移於
端氏太宗貞觀元年又移治晉城漢澤仍爲屬邑明皇天寶元
年始更漢澤爲陽城縣時改州爲郡澤州曰高平郡陽城屬焉
肅宗乾元初復改郡爲州至唐末昭宣帝天祐二年又改縣爲
漢澤未幾更稱陽城五代而下因之

宋

陽城縣河東路澤州高平郡領之

金

陽城縣河東南路澤州領之宣宗元光二年升州爲節鎮軍曰忠昌尋又升縣爲勅州仍屬忠昌軍及滅于元而州廢

元

陽城縣河東山西道晉寧路澤州領之晉寧初曰平陽路成宗大德九年改晉寧澤州世祖中統初置司候司至元三年省司候司

明

陽城縣山西布政司澤州領之

國朝

陽城縣初承明制隸澤州雍正六年陞州設府縣爲府屬焉

舊志于歷代沿革疎舛頗多如于秦則云濩澤屬上黨郡夫漢之河東上黨仍秦舊郡漢濩澤屬河東何得云秦屬上黨其疏一也漢陽阿縣故城在今縣境舊志但舉濩澤而遺陽阿其疏二也曹魏正始中割河東分置平陽郡故晉書地志濩澤屬平陽郡而舊志言晉承漢制屬河東郡其疏三也北魏濩澤徙治

今城孝昌中于故縣增置西漢澤屬秦寧郡至北齊始廢
志遺西漢澤其疏四也隋書地理志于長平郡云舊置建州開
皇初改爲澤州于丹州縣云舊曰高都後齊置長平高都二郡
後周并爲高平郡于沁水縣云舊置廣寧郡後齊郡廢廣寧當
作秦寧字之誤也于端氏縣云後魏置安平郡開皇初郡廢然
則北齊建州領高都長平安平三郡後周領高平安平二郡隋
開皇初盡廢郡而改建州爲澤州以州領縣而漢澤屬澤州大
業初又改澤州爲長平郡舊志于北齊後周不置一辭而云隋
承魏周之舊漢澤屬建州不知自隋以前未嘗以州領縣其疏
五也唐武德初改郡爲州漢澤爲澤州刺史治八年刺史徙治
端氏貞觀初又徙治晉城漢澤仍爲屬邑天寶初又改州爲縣
更名漢澤爲陽城屬長平郡乾元初復改長平郡爲澤州舊志
既不詳州郡更改又不言貞觀初刺史由端氏徙治晉城其疏
六也若夫析城桑林爲商湯禱雨處見于括地志寰宇記諸書
其言必有所本湯都偃師去縣二百餘里桑林正畿內地禱雨
必有事于名山析城正名山也舊志斥爲謬且云偃師距此六
七百里不亦過乎至于古縣有與今同名者漢潁川郡有陽城
縣卽左氏傳所謂陽城太室爲九州之險者也孟子言禹避

之子于陽城而此唐改為浚縣其故城在今沁州武鄉縣又沁州在唐亦稱
南又北魏永安中改浚縣置陽城縣屬鄉郡隋開皇中改曰中
水大業初省入銅鞮故城在今沁州武鄉縣又沁州在唐亦稱
陽城郡此皆名同今縣而地則異亦不可不知者也
六出昔夫淋越秦私公商秦一兩與及下淋與之
泗水南淮河南則又入
夏水既濟源則源則其
微月負陽城又武鄉等處
注此類九

陽城縣志卷之三

天文

分星

禮春官保章氏以星土辨九州之地所封分域皆有分星以觀
妖祥由是言地輿者以辨分星爲要務陽城西聯河東東接上黨
古今分屬不同然其分野則爲觜參無可疑者晉書天文志以上
黨入輿鬼二度夫輿鬼當屬益州爲巴蜀分野與上黨何涉宜其
爲洪容齋所譏也或以爲兼得昴畢者則牽於上黨爲趙地之說
也夫畢之分野自太原以北昴之分野自雁門關以北河東上

等郡自是皆參分野也舊志以縣為上黨屬邑而據新唐書
 律志僧一行說專以上黨為鶻鶻之分而謂無與于參不知參以
 中央西一星為距星以赤道而論則元以前鶻在參前自明以來
 鶻常居參後蓋二星相距緯度大于經度鶻宿距星赤道之歲差
 多參宿距星赤道之歲差少也若以黃道而論則參常居鶻前一
 度二十一分故乾隆中易以參中東一星為距星而鶻則仍在
 參前五十餘分然則鶻既形小又介在參中安得專以鶻屬上黨
 謂無與于參乎又况漢時陽城為潁澤縣皆屬河東不屬上黨又
 安得據一行說謂縣之分星專屬鶻乎然則舊說之誣明矣

分星表

星名	康熙甲子	同治甲戌	黃道緯度
星名	黃道宮十度十分	黃道宮十度十分	緯度十度十分
參宿七	經度五二二七	經度五一五〇九	南三一一二
參宿五	經度五二六三三	經度五一九一五	南一六五三
參宿三	經度五一八〇一	經度五二〇四三	南二三三八
參宿二	經度五一九〇四	經度五二一四六	南二四三四
鶻宿一	經度五一九二二	經度五二二〇四	南一三二六
參宿一	經度五二〇一七	經度五二二五九	南二五二二

參宿一 中央星

參宿二 中央星

參宿三 古距星 中央星

參宿五 有

參宿七 有

星名

黃道宮十度十分

黃道宮十度十分

度七十五分

參宿六

經度五三二〇〇

經度五二四四二

南三三〇八

參宿四

經度五三四二二

經度五二七〇四

南一六〇六

欲知某星在某宮某度分按表縱橫查之即得茲載康熙甲子
 及同治甲戌兩年星度分度六十分分六十秒歲差每年于經
 度加五十一秒查表之法如參宿七康熙甲子宮旁書五十度
 旁書一二十分旁書二七者即五宮一十二度二十七分也緯
 度旁書南十度旁書三一十分旁書一二者即在黃道南三十
 一度一十二分也至同治甲戌凡一百九十年歲差約得二度
 四十二分故甲戌在五宮十五度零九分矣餘倣此

縣治緯度

縣治北極出地三十五度三十分

縣治經度

縣治偏 京師西三度五十三分節氣較 京師早一刻零三十

二秒

各節氣太陽午正高度 以縣治北極出地度算得此數

冬 至 三十一度〇一分

大雪小寒 三十一度五十二分

小暑至 三十四度十九分

芒種至 三十八度〇八分

雨水霜降 四十三度〇分

驚蟄寒露 四十八度三十五分

春分秋分 五十四度三十分

清明白露 六十度二十五分

穀雨處暑 六十六度〇分

立夏立秋 七十度五十二分

小滿大暑 七十四度四十一分

芒種小暑 七十七度〇八分

夏至 七十七度五十九分

各節氣黃赤距緯正切線

清明白露 太驚蟄 太 五度五十五分十秒 正切線一〇三六九三〇

穀雨 陽雨水 陽 十一度二十九分 正切線二〇三三一五九

處暑 霜降 陽 三十三度三十分 正切線二九三六六八一

立夏 在立春 在 十六度二十一分 正切線三六七八六二

小滿 大寒 赤 二十度十一分十秒 正切線四〇七〇三三六

芒種 小寒 道 二十二度三十八分十六秒 正切線四三四四六六六

夏至 北冬至南 二十三度二十九分 正切線四三四四六六六

太陽出入晝夜時刻 以球治北極出地度算得此數

冬至

日出辰初初刻十二分
晝三十八刻六分

日入申正三刻三分
夜五十七刻九分

大雪小寒

日出辰初初刻九分
晝三十八刻十二分

日入申正三刻六分
夜五十七刻三分

小寒大寒

日出辰初初刻
晝四十刻

日入酉初初刻
夜五十六刻

立春立冬

日出卯正三刻三分
晝四十一刻九分

日入酉初初刻十二分
夜五十四刻六分

雨水霜降

日出卯正二刻三分
晝四十三刻九分

日入酉初一刻十二分
夜五十二刻六分

驚蟄寒露

日出卯正一刻二分
晝四十五刻十一分

日入酉初二刻十三分
夜五十刻四分

春分秋分

日出卯正初刻
晝四十八刻

日入酉正初刻
夜四十八刻

清明白露

日出卯初二刻十三分
晝五十刻四分

日入酉初一刻二分
夜四十五刻十一分

穀雨處暑

日出卯初一刻十二分
晝五十二刻六分

日入酉正二刻三分
夜四十三刻九分

立夏立秋

日出卯初初刻十二分
晝五十四刻六分

日入酉正三刻三分
夜四十一刻九分

小滿大暑

日出卯初初刻
晝五十六刻

日入戌初初刻
夜四十刻

芒種小暑

日出寅正三刻六分
晝五十七刻三分

日入戌初初刻九分
夜三十八刻十二分

夏至

日出寅正三刻三分
晝五十七刻九分

日入戌初初刻十二分
夜三十八刻六分

推日出入晝夜時刻法以本天半徑一千萬爲一率本地北極

高度之正切線爲三率本日距緯度之正切線爲三率求得四

率爲卯酉前後赤道度之正弦檢八線表得日出入在卯酉前

後赤道度乃以一度變時之四分十五分變時之一分春分前

秋分後爲卯後酉前分以加卯正爲日出時刻以減酉正爲日
入時刻春分後秋分前爲卯前酉後分以減卯正爲日出時刻
以加酉正爲日入時刻自日出至日入爲晝刻與九十六刻相
減餘爲夜刻

邑志舊惟有分野而已此其有天文何分野者天文之一端也
所占或係十餘郡或係數郡而志一邑者亦所不遺其實非祇
闕一邑也至地有緯度而北極之高下殊焉晝夜之長短別焉
地有經度而節氣時刻之早晚係焉月食之先後分焉此則隨
地而異不可不志者也然其理皆生於黃赤二道何也西洋新
法謂日之有晝夜生於地球之自轉歲之有冬夏生於地球之
繞日轉自轉一周而赤道分焉繞日一周而黃道分焉赤道斜
交黃道而歲微有動移是爲歲差其差也亦不以平行而有盈
縮約十九年而盈縮一周是爲章動有此歲差而赤道恒星之
經緯度古今皆有變移惟黃道之緯度不變而黃赤二道緯度
極遠者爲二至日道曰黃赤大距大距亦古今不同推測家謂
自上古以來皆由濶而漸狹正猶太陽本天之高卑差古大而
今漸小也大距既古今不同則各節太陽午正之高度冬夏晝
夜之長短雖係一地亦古今有殊矣

惟二分無不同

但非歷時久則所

差甚微耳然則有古今不變者乎曰星之經緯度有變而地之
分野古今不變故分野之星不以歲差而殊也黃赤之經緯度
雖變而地之經緯度不變故北極高下古今無異也此則亘萬
古而不易者歟

陽城縣志卷之三

方輿

山川

縣西南七十里曰析城山西曰千峯嶺嶺西北曰輔山嶺之南曰
盤亭山又西南曰雲濛山雲濛北曰鬢背山係析城西支析城東
北曰麻婁山麻婁之南曰小寨山少東南曰峯山峯山東北曰底
柱底柱之南至縣之南界曰王屋底柱之東縣東南境曰莽山莽
山之北曰三盤山東北曰天尺嶺少東曰白雲隘再東北爲荆子
關爲縣東南界關西北曰雲天山山下曰孤山孤山東北曰東廟

橫○清惠慈相落雜無序今以泚水碼頭為兩湖冰萊林冰
列為五條三熱山東曰天只巖山東曰白雲山東曰
析城山在縣西南七十里名見禹貢山峰四面如城有東西南
北四門分析故曰析城周四十餘里樂史寰宇記云山頂有湯
王池相傳成湯禱雨處池四岸生龍鬚草今則禱雨輒應每仲
春數百里外皆來湯祠禱取水歸以祈有年宋神宗熙寧中
封山神為誠潤侯徽宗政和中榜湯祠曰廣淵之廟加封山神
為嘉潤公山東有龍洞深不可測曾有人入其中行度二三里
聞水聲奔激駭而出舊志析城喬木為八景之一今喬木已無
而草頗肥美道光中平陽營馬爭牧前令徐瑛恐害民稼禁之
山蘆朮粉花每仲夏嬌艷非常又有文石形具各狀文理細若

臺髮

千峰嶺 縣西南七十里西坪東偏孤峰聳秀峭拔凌空其巔僅
容數弓依崖鑿石建有玉皇金闕傍有僧樓俯視盤亭諸嶂如
海中島嶼半隱烟波如天外浮圖高撐雲漢環視村墟皆落釜
底巖腰峰峰羅列如兒孫然故曰千峰頂舊志謂距縣四十里

誤矣

輔山 縣西八十里曰西坪形勢高闊鳥道崎嶇巖出千峰頂

西雄嶺齊雲其地刑賦不征相傳爲靈耕與然齊耕麻山與
相對峙非此山也此山俗曰鯨山山半瀑水飛流水經注成謂
教水者其地聖確爲教水之源教水出於教山必止人訛教爲
鯨鯨鯨鯨下卽五虎隘口爲邑西南要隘

盤亭山 縣西南八十里從迴龍廟入山至烟薰舖俯視諸山峭
拔凌空如削如塑峙於廟河者曰小尖山巒迴岫擁高插雲霄
至葦園坪巖首名石岩數家茅屋如挂薜蘿岩下曰橫河峙於
橫河北者半岩建有蘭若紫幢紺宇掩映叢林再躋十餘仞巨
石插空龕中不盈方丈有泉從乳竇滴流其下仰承若盆味甘

冽名鐵盆嶂迤西曰塔樓山後唐洪密煉丹處山西北曰千峰
寺後唐明宗敕建寺倚雞頭山諸峰環繞若屏風峙於橫河南
者十八羅漢峰拱揖雲間東際岡陵從析城西老洞溝迤邐而
來重巒疊嶂綿至水頭旋環畢家莊四圍蒼翠峭壁嶙峋白雲
深處桑麻雞犬真幽隱勝境統羅漢峰西亂峰高下延至龍口
雲樹蒼茫巖腰紫沙白石綿亘十餘里至梢驢舖兩崖合抱瀑
布高懸注水一潭澄潔可掬遞至桑苑河其峰象蹲獅鬥奇偉
之形不能一一名狀

雞頭山一日鍾鳴峽相傳
周遭四十里內不生蠍云

雲濛山 縣西南百里由盤亭過龍涼浦至斬鬼莊路尤險僻越

壑穿林方至其巔南視諸峰如海中島嶼出沒波濤怪狀奇影
難以曲繪東西巒峰嵯岬交錯四時嵐氣瀾漫常似籠霧故曰
雲濠由巔緣壁而下危磴凌空令人股慄至第一龕石洞棲霞
烟雲變化日更萬態地周數弓岩懸乳竇滴水一泓可飲數百
丈二龕梯壁如前谷彌幽邃三龕尤險游者罕至惟三龕有樓
宇石牀丹竈從此而上履巉巖披蒙茸踞虎豹登虬龍回視來
梯峭壁插天不能以尋尺計邑人解州司訓延棠題壁句云已
下石梯三百級置身猶在白雲巔真雄峻概可想見

麻婁山 在縣南四十里有東西峰相距四五里其地峻險可以
避兵順治六年賊張斗光常築砦于此山南有蒸餅洞石壁百
餘丈梯而上中廣二百餘步後有泉可飲數百人

小寨山 在麻婁南十里勢極高峻上有元武廟避兵者多居之
峰山 縣南四十五里山高峻圓突居麻婁東南而高于麻婁西
與析城相峙百里外莫不瞻仰羣峰羅列悉居其下

底柱山 縣南五十里土山戴石形勢橫亘分起三峰中峰特高
前志謂峰起處石形若柱其實不然岫極豐隆路尤峯律舊志
名爲底柱非禹貢所稱爲底柱者也

王屋山 名見禹貢在縣南百十里山頂曰天壇峰峰屬濟源而

峰陰接縣南境在嵒城東南縣治之南少偏西是民云山脊而
重其狀如屋河南志云其狀如王者重蓋故名二說不同然漢
儀天子黃屋左纛卽詩來云在其版屋古或以車爲屋則所謂
車蓋與屋者義畧可通矣康熙舊志於縣境載王屋山在縣西
南百里而乾隆志以爲縣南境至濟源韓王頭界八十里夫境
域至八十里而已止欲于八十里外更遠二十里而有是山則
于內而羸于外或恐不然是以王屋非陽城所有也今考韓王
頭在縣東南距縣百五里南距入濟界之皂石埭十里王屋則
在縣之南界東西相距約六七十里不得謂王屋在韓王頭界
外二十里也天壇一峰固屬濟源而天壇峰陰卽縣南界其在
縣境內之山如門嶮山老君堂諸山及五斗峰漏明山之屬皆
王屋支峰則不得謂王屋與陽城不相涉矣

莽山 縣東南六十里峰巒雄亘盤礴峻秀萬峰林立山巔曰三
盤山從巔迤邐而下曰北立門兩崖壁立中徑崎嶇僅容一騎
五六里愈下愈深如入淵井至平岡陵谷忽豁漸露沙灘行者
疑是莽河不數武巒迴峰轉望之鳥道高懸如循梯磴又數里
至繫馬椿有巨石圓銳西有試劍峰兩崖中剖紅峪水出焉卽
莽河也道左一峰凌空峭拔俗名棋盤山舊志入景中所謂望

莽孤峰者也蓋自此峰望莽山羣峰擁黛萬壑浮嵐濃似畫
翠如屏障幽秀玲瓏罕有倫比由此而下數十灣石磴盤旋至
莽河回顧來時坡坂如挂雲霄紅峪水兩岸夾流山花野卉衆
木羣林不能名狀林側頗有聚落石龕茅屋半護烟蘿雞犬桑
麻迥出塵表其西谷南偏石峰嶙峋曰南立門北曰紅水村有
山英蒙山蔽谷秋至則白雲青嶂間林木經霜紅紫萬狀又有
白雲洞仙果堂石人峰滴水盆種種奇蹟非親歷者不能道其
境之幽邃象之空靈其間多產猿獮水從紅峪注于劍口入
源界伏流而重出卽湫梁水

雲天山 縣東南百里孤山之南坡坂十餘里山巔聚落曰劉家
坳坳北有古寨迤南嶺首神宇數叢高與雲齊再陟梯磴二里
許爲韓王頭距白雲隘不遠俯視濟源城郭烟樹如棋布地
西接天尺嶺東卽荆子關也

孤山 縣東南九十里萬山中孤峰特起列石如屏其形玲瓏如
琢傍有聚落爲皂君口要衝

東廟嶺 縣東南七十里孤山之北少偏東在江河之側石磴紆
迴十餘里始造其巔途畧平坦忽峰轉處古松成林松下曰申
家莊前徑盤曲又突起高峰穿藤攀葛萬木叢鬱如入箐林登

其巔則東廟在焉向南雲霧鬱烈幽奇峰爭出北岩下江河環繞
遠眺數層山外沁水環如白練巔盤二十餘里

以上諸山皆縣西南境及東南桑林河以南之山也

縣治東曰小崦山又東南曰南崦山又東南曰香臺山香臺西南
曰神泉山

小崦山 縣東二里許山背城向水萬柏環生有白龍祠祠右有
風神臺東與鷲嶺相峙下臨濩水兩山間夏漲波濤奔撼石門
亦巨觀也

南崦山 縣東南十五里山雄峻居香臺山北南麓有白雲嶺山
環若屏其巔建白龍祠多碑誌其靈蹟

香臺山 縣東南二十里孤特獨尊四境皆可瞻仰山巔廟祀唐
太宗古柏參天四人合抱未能周其圍前明移人鑿去柏心至
今老樹空心斜欹殿側白司寇題壁句在焉

神泉山 縣南二十五里山峻巔平舊有宋將廟或云祀宋鎮撫
使翟興俗訛傳爲宋江廟後改爲五嶽廟廟極高曠連院崇階
南視析城砥柱麻婁諸山如削如塑廟側有泉盈涸無常迤北
里許一峰突起曰摩天嶺上有古寨明末張斗光壻聚于此寨
邊嘗掘有箭頭邇年改建元武殿于其上

以上四山皆縣東南南河水以南桑林水以北山也

縣之西境南河之北曰陶峪山又東北曰嵯嶢山嵯嶢西北曰白澗嶺嶺西北曰萬戶山嶺東北曰神仙山神仙山北曰卧虎山卧虎東南曰畫山畫山東北曰營丘山又東南曰望禾台越縣治而東陽泉水南曰中南山

陶峪山 縣西四十里左即陶峪河也兩山對峙前突高阜土人謂石龍戲珠內建福勝寺寺側雙潭浴其其一四周石崖水出如門其平似盆左右蹲石如獅

嵯嶢山 縣西二十五里山從老鸛嶺蜿蜒而來雄俊綿亘巖柏

蒼翠掩映山巔建有唐太宗廟並祀元武諸神土人皆稱無梁殿環山人烟稠密賽神絡繹不絕然此山實非古嵯嶢山因俗訛傳已久仍其名北俯固隆諸村漢漢澤縣故城尚在固隆東北前志謂漢澤故址在山下非也山之西五里有天子嶂黃沙間石形與嵯嶢埒穆天子傳天子四日休于漢澤故名

白澗嶺 縣西四十里上建湯廟漢澤水出其下東距漢漢澤故城十里東麓有廟卽郡志所謂漢澤靈源祠禱雨輒應每初夏賽神甲於西鄉

萬戶山 縣西五十里本古嵯嶢山也其峰高聳其嶺綿延白澗

嶺僅及巖腰西接老鸛崖東接渡澤故城西莊在其側有萬靈
觀至巔邑中岡陵一覽無遺上有唐太宗廟俗曰黃龍山廟碑
所載又曰吼神山土人謂此山三二十年前山腹吼動若雷霆
數日不絕居人震恐山東麓連大小壑山大壑東係白龍山背
古之嶠嶠也同治二年季夏白龍山山腹連日吼動亦如吼神
山之說云

神仙山 縣西三十里其峰秀拔玲瓏形如雕琢中有古剎叢林
境極幽僻人跡罕到北麓別有佛寺數層前鑿石池儲水澄清
每旱禱雨輒應土人稱爲佛爺池

許處山 縣西北四十里有靈泉寺後唐 密修真于此松林鬱
遵斧斤萬松亭故址猶存焉○邑東屯 城有山亦名曰虎屯城
蒼曰處川里峰更靈秀沁流環其下附志于此

畫山 縣西北三十里西河發源此山石嶂連雲綿亘數里遠望
如長虹亘天肖一畫之形故名亦稱表山

營匠山 縣北二十里在畫山東其形長若白虹北臨蘆水南眺
渡澤數十里城郭村落一覽無遺其山亦名鷹架

望禾臺 縣西北五里一峰特起四面山環前邑侯徐公題碣曰
雄邑靈脈

中南山 縣東十餘里山在孔寨南嶺巒秀翠柏環生古氣中
南各相傳康熙二十一年冬山巔夜生火光孔西村民成議者
素誠樸忽狂言此山當名中南三皇駐蹕甚久茲欲出世遂指
地掘之果獲神像次年田司農率眾建廟其子金縣令譚文
誌異

以上諸山皆縣境南河水以北陽泉水以南之山也
縣之西北境曰竹林頂接竹林曰西崦山竹林東南曰靈通山靈
通東曰西佛山踰黑嶺水曰東佛山又北曰仙公山自仙公而東
南過紫沙坳曰白岩山次東曰北崦山再東曰方山縣治東北陽
泉水北曰九泉山又東曰小天壇

竹林頂 縣西北六十里山從鹿臺分支其形雄偉其巔平坦北
界沁邑中木亭東接靈通山山巔建神宇數區宏敞壯麗約百
餘楹碑載康熙中舊廟傾圮僧徒奔散有丹川杜劉氏棄家來
此煉丹悟道創建神宇頗有靈異清修二十餘年圓寂于此土
人肖像祀之

西崦山 縣西北六十里北與竹林相接土山綿亘建顯聖王祠
祠前老檜參天圓徑數十圍環祠遍植松樹蒼翠蔽日濤聲清
越不啻鸞嘯鶴鳴境之清閒幽邃無過于此

靈通山 縣西北六十里山從竹林頂分支其骨嶙峋其境幽邃
多植椽樹建有靈通寺僧樓梵宇嚴肅殊常東麓有黑龍廟古
松虬幹輪囷徑數十圍形偃如蓋濃陰蔽日四蔭廟中殿前石
罅疏泉從松下流繞階前傍有風洞常以石掩之少隙風即猛
出

東西佛山 縣西北五十里夾黑嶺水左右土山戴石勢各巍峩
西佛山左偏遍植椽樹較東山幽邃東臨遊仙聚落西臨宜固
諸村佛寺對峙競爽不通孔道人跡罕到

仙公山 縣西北六十里峰極峭拔相傳仙公姓葛名元字孝先
三國吳時丹陽句容人有道術能致雨曾經遊于此著有靈蹟
後人遂建仙公廟山陽屬縣境備臨安上大樂諸村山陰係沁
水界兩邑民人聯社崇祀至今不替云

白巖山 縣北三十里中有龍巖寺後開榻幃前鈎柏帶在巔壑
間一石梁斜通壑中不知其極更迨廣三十畝復倚大巖壑壁
立數十仞中虛可以避兵巖巔望析城麻婁諸峰環列拱揖石
梁東南彈棋石下泉不盈尺洩之猶足灌圃其味甘冽巖東一
小龕白司空所知題曰白兔聽經處一名龍巖山

北崦山 縣北三十里聳拔奇峭上有白龍祠環祠萬柏森森俗

傳石深處產有丹砂相心因發赤光祠外有龍潭亢旱不涸
閩邑禱雨祈年之所每值仲春數百里外禱者絡繹不絕

方山 縣東北三十里土山戴石面面觚稜形若從矩故名

九泉山 縣東十五里山在蒿峪東自根及巔翠柏叢生石磴盤

曲半崖佛龕藏嵐氣中掩映如畫殿前石罅出泉凡九淵焉

小天壇山 縣東十五里山臨沁水勢最巍峻石磴矗立上有軒

轅祠廟制頗似天壇山迥不類王屋彌山蒼松翠柏蒙蔽巖阿

以上諸山皆縣北境陽泉水以北之山也

縣之東北界曰史山西南曰可樂山潤城之南沁水之涯曰峪溝

山陽阿水入沁之次曰九女臺

史山 縣東北四十里形勢崔嵬沙石相間一名華陽山產鐵鑽

迤西七八里有金寨谷海會寺在谷中

可樂山 縣東北三十五里層巒曲磴巨石嶙峋前志謂二瀑垂

若水簾松石之盛他山無比近惟雨後石懸亂瀑小松無多與

樊山毘連有白鶴阡陳相國陟屺樓在焉

峪溝山 縣東二十里石磴盤窄祠宇幽邃與潤城翠眉山毗連

九女臺 縣東南六十里下窄上豐稜角峭秀面面玲瓏石趾插

沁當陽阿水入沁之衝屹然獨峙上有九仙祠故名臺北有棧

龍潭臨陽阿水潭東側有黑龍祠歲旱禱雨輒應

以上諸山皆縣東境沁水以東之山也

隱谷 在縣東南六十里岩谷嵌空林木蒼鬱唯鳥道可通俯瞰其下危崖千仞蓋高士遁跡之奧區也又有南北二隱谷在縣東陽阿水南北

龍洞 縣東南六十里地名龍崖崖半石洞可梯而升中廣方丈然炬行里許有潭深不可測傍有石佛三洞盡處有小穴風蕭蕭出人不敵近又縣南三盤山下並臺頭鎮南皆有龍洞柘城山暨柳泉又皆有黑龍洞析城洞更幽窅水尤浩淼聲似巨雷相傳中有龍在

沁水出沁源縣穀遠山南流逕岳陽歷沁水縣鬻莊至蔚池入縣東北之屯城里水左曰屯城水右曰望川兩岸古剝叢林爲探幽勝境又南流逕潤城鎮西又南史山河自東北來注之水出東北史山石合樊川水及莊河左合孫溝水而西南流至翠眉山注于沁水沁水又屈西轉南至沁渡津陽泉水自西來注之又南至南庄頭西漢澤水自西來注之又南逕馬山桑林河伏流之水潛出于山下入焉又南至閻家津桑林河自西來注之其水夏漲通流至冬則涸沁水又屈而東流左與小澗水合水

出鳳臺縣黃沙嶺嶺接史山其水南流入縣境逕洗壁東交南
逕高窰嶺又南入沁水沁水又東左與陽阿水合水出鳳臺縣
西北六十里吳神山南流入縣境逕章訓里東又南歷石塘洞
兩崖石勢峻峭水落巉岩與石相擊澎湃有聲響應山谷洞懸
山坳雲霞深鎖宛若仙都相傳此卽午壁亭也陽阿水又南流
逕九女臺入于沁水沁水又東南流與鳳臺縣分水又右合一
水水有兩源西源曰東軒河出東冶鎮鎮在縣東南四十里乾
陸中以縣產硫黃開採者衆置巡檢司領其事二十二年裁巡
檢司移府同知駐此其水東南流與南源水合南源出三盤山
小龍洞曰龍洞水北流與東軒河合東逕江坂坡至江河村俗
稱爲江河又東北至乾河口入沁水沁水又南黃龍洞水出葦
園嶺東流注之又南孤山河源出孤山東流注之又南至公娥
澗入濟源界水西爲濟源境水東爲鳳臺境

陽泉水今名蘆河源出沁水縣鹿臺山東流至原庄入縣境過賈
寨有大小西溝二水注之又東過陽泉里南南有羊泉北流注
之陽泉里本以陽泉水所經得名而里南之泉俗稱爲羊泉相
傳有神羊飲泉似非此水名陽泉自元魏時已然果因神羊飲
泉而得名事當在元魏以前旣不著于記載後人易陽爲羊事

或見於元魏以後是否均未審矣又東逕陽陵城南漢陽阿縣故城也二漢皆屬上黨郡晉時縣廢元魏復置徙縣治于東北爲今鳳臺縣之大陽鎮與漢之陽阿名同而地異也水南一帶山岡自萬戶山綿亘而東若大壑小壑白龍卧虎之屬雖名不一皆古之嵯嶢山也今人以濩澤水南之山爲嵯嶢誤矣陽泉水出陽陵城又東黑嶺水自西北來注之水出沁水縣中木亭在傳齊嶺西南傳齊嶺卽開路也其水東流至太峪溝入縣境又東流逕東西佛山間又東南過陽陵城東至芹池西入陽泉水陽泉水又東至劉村朱村水自北來注之又東逕馬寨左合泗頭水又至黃崖峪溝水南流注之又東逕大甬里至町店陵家溝自白岩山發源南流注之又東逕義城歷蒿峪村過九泉山南又歷上下二孔寨至沁渡津入沁水水經注以陽泉水合濩澤水入沁誤也

濩澤水出縣城西北四十里白澗嶺東流逕固隆村南又東逕濩澤故城南漢濩澤故縣也元魏興安中徙治今縣城而故縣廢及孝昌中於故城置西濩澤縣至隋又廢或云北齊時廢也舊有澤在城西北酈道元不言其廣輪之數今澤久廢其畔岸不可復識考其地望當在四侯山南固隆村一帶也墨子曰舜漁

濩澤穆天子傳天子四日休于濩澤卽此其水自城東北合一水曰清溪水源出亂石嶺流逕段莊南注于濩澤水或以爲古清淵水疑非也濩澤水又東南與一水合水有二源東曰清池西曰獻義二水合而東南流注于濩澤水斯乃古清淵水也濩澤水又東南至澗坡與南河水合南河水源出沁水縣白華嶺東流入縣境之臨澗里臨澗水自西南來注之臨澗水卽水經注所謂上澗水也水出輔山之北西北歷仙人洞洞在縣西南五十里臨澗水南羣嶂嶙峋從千仞巖腰闢一洞口愈下愈深約二里許岩水下滴凝爲冰柱俗曰通天柱石髓融結爲龍龜爲雲氣爲飛鳥爲舞獸之象中多白蝙蝠蓋食石乳使然竊其與風聲水聲如琴竽響答有石牀石枕石鐘石磬等相傳仙人修煉于此雖丹竈不存而石室如故一名修真洞臨澗水逕其北又東北入南河水南河水又東逕銅窰嶺南水經注所謂銅于崖也又東北逕董封鎮南陶峪水自西北來注之又東北柳泉水自北來注之龍尾水自南來注之又北逕封頭山西又東北右合茹河水水出析城山北門其水北流左與南峪水合又北右合一水水有二源南源曰下交水北源曰河北壑水合而西流入茹河水茹河水又北流注于南河水南河水又東北

至澗坡入濩澤水濩澤水又東北至縣城南西河水注之西河水出縣西北三十里畫山舊志以此爲清淵水今案水經濩澤水先合清淵水次合上澗水今濩澤水先合上澗水後合此水知水非古之清淵矣斯乃舊志之謬也東流合城北小河水再合青林水又東歷石門兩山分割跡似斤鑿水流其中南爲小崦山北則鷲嶺也又東南歷北安陽南左與崔溝水合又東逕鳳凰山右與白桑水合又東南至平頭莊入于沁水

桑林水出析城山東麓竹書紀年商湯二十四年大旱王禱于桑林穆天子傳天子四日休于濩澤甲寅天子作居范宮以觀桑者乃飲于桑林桑林之名由來久矣其水東流過麻婁山北又東逕蕭羅莊北又東逕寺溝村北又東右合一水源出西南峰山東北逕白龍池又東北入桑林水桑林水又東右合一水俗亦稱桑林水水有二源一出雪渡切山陰之天井一出花園嶺之灰泉合而北流注于桑林水桑林水又東逕西冶南自西冶以上十餘里間其水多產嬰魚山海經所謂其狀如鱗魚其聲如嬰兒者也土人云此魚聞雷則奔竄山谷桑林水又東流合北龍洞水水出孤碓底南流逕臺頭鎮又南流入桑林水桑林水又東至小王莊伏地潛流東北至馬山麓從地湧出注于沁

水其夏漲之水則由小王庄東北流逕東冶鎮北又東至南家
津入沁水

渙水本渙水別源出縣南六十里莽山一出莽山北崖一出莽山
之試劍峰三川合流自西屈南至窟窿山石嶂南橫岩根裂有
石縫圓徑數尺水從中出俗名劍口少轉而東逕丁牟陂隘口
爲邑東南阨要又南入濟源縣境過玉皇嶺旋出山谷曰白澗
水潛流數里至宋王莊從地湧出逕濟源城東與西源合春秋
襄公十六年公會諸侯於渙梁尔雅曰梁莫大於渙梁此其源
也

北青蘿水出縣南五十里底村山南流逕牟園崖又南逕小園坪
至嬰魚溝入濟源縣界繞王屋村東逕石頭廟土崖底入黃河
漆水今名楸川河源出析城東南牛角洞東南流左與龍潭水合
又東南右與楊柏水合又東南後老龕水自東來注之又東南
石板河自西來注之又南入濟源界逕王屋天壇峰西其下流
與盤亭南門諸水合至清河口入黃河

盤亭水出縣西南八十里析城山西北流逕盤亭東烟熏鋪山下
入暖泉水少西廟河水從北注之過羅漢峯下曰橫河析城西
門水滙水頭村石泉南來注之出龍口過桑苑河折西繞雲濠

山東至磨房東南新城南即水會紫苑南渠來注之也
南流至黃棟樹麻相而東南入瀑水
教水出教山輔山之支峰也水從山半石鐘流逕口河即五
虎口入紅花嶂水至茨灘河又入東漫川水出沁水縣境入縣
境之東哄哄而東流注于教水教水又屈而東流曰龔河西漫
川水入之水出垣曲縣歷山東南入縣境逕西哄哄歷窟窿山
又東流注于教水屈折過雲濠山南入濟源縣界轉歷鼓鐘峽
東南入于黃河

玉泉 一在東關青陽坊元至錫禿必石清風亭在其上一在西
關昔名永惠泉白司寇允謙題曰湛泉

師婆泉 在縣西南封頭山南河側父老相傳其下與析城山地
穴潛通每析城雨後近山村民多聞水响而不見其形數日之
後泉水暴發則南河爲漲每大比之歲泉水盛發士子多得舉
者邑人以爲徵

以上所記山川較舊志加詳固無事贅說矣而邑人盧廣文
廷棻分志山水增詳各隘外又有山水總記一篇頗爲詳悉
附錄于此俟閱者參詳焉

陽城山水總記

山水距離數志
中已註明者不贅

盧廷棻

神馬等巽州山曰底柱析城於王屋析城王屋之為名也

全晉諸山皆北自朔代一帶乘高而來其汾東一支循汾而南至

太岳為一大宗由太岳南走岳陽沁水綿入縣境縣境之山以析

城為主析城之宗又以西坪為斷由西坪岡嶺聯綿過千峰頂延

二十餘里至牛心窠維巒特起曰析城山

蓮花隘口產藥

晉志析城喬木

為八景之一邇維芳草迷離所稱喬木斧斤濯濯其為狀也如仙

人宮闕高列雲中諸山從旁羅拜其支環繞四門參伍錯綜盤互

交結分志而不聯志支山之脈絡不明志山而不志水泉山之畛

域不辨試先以析城山水互志焉其分支于西門者曰盤亭山

峰峰秀潤色色清奇舊志所謂盤亭列嶂八景之一也水從析城

西北流逕羅漢峰下曰橫河鐵盆塔樓諸嶂翼于左

後唐洪密修真處

過

龍口

青龍隘口

至磨扇渠入濟源界

縣西南界百一十里

而此水西岸山又從雞

頭山

千峰寺在其下

盤屈至龍淙浦綿亘二十餘里曰雲濛山

產藥

其形嵯

呀萬態亂峰缺處紛填白雲石巒與雲巒不分層層蒼白色相間

半崖樵夫若踏雲飛騰迥然非塵世間洵可謂山之奇詭者其嶺

西一層山即西坪

八十里產藥

參稜水經注坪北當為輔山俗曰鯨山

必教山之誤教水與龕河水異名同源過雲濛南界之

由濟源白鷺下入黃

海西坪之北高阜重聯偏東曰松樹嶺偏西曰仙人洞

七十里山產藥

極嶙峋洞彌幽窅舊志所謂修真古洞卽此中流臨澗水澗側有虞帝廟

澗西係沁水小老 峰縣西南偏左界鄆道元所謂上澗水也六十坪南一支又延至

西哄哄九十五里同治二年設營伍駐防 界以西漫川水水南屬垣曲考前志其

鐘山卽負夏山在此界外至此則縣西南境盡梳城西支亦盡矣

若夫南門則幹分支別紛難縷述所謂窈窕而爲壑崎嶇而爲澗

寥廓而爲巖莫不以鰲背山九十 包括于西南大樂嶺九十 灣環

于東南其間大者如塘如闔小者如劍如缺合而密者如闔闔分

而聳者如樓環聯絡于銀洞坪九十里 左右烟消雨霽嵐氣撩人

尤巨觀也其水則南門河環銀洞坪合紫苑河九十 過鰲背西與

盤亭水合入濟界東南之水名石板河繞大樂嶺山麓折入隔山

河百里卽 至溝壑細流有不能以殫述者矣東門峯巒重疊拖至

圪奶山楊柏兩山間 俗名牛角洞水從洞出曰楸川河過老

鼠梯六十 至沐沐坪七十 曲折流至隔山河繞王屋西入東陽河

其上流合紫苑盤亭諸水至濟源清河口入黃河此水與水經注

參校卽古溱水隔山河東北有門嶮山竒峭若門又有漏明山九

里 兩山合抱玲瓏似琢其下如竹中虛怪木盤旋葛藤交蔭山巔

露一線天光不通人踪可謂山之幽邃者迤南曰後老龕踰五斗

峰至老君堂百五 里 係王屋山陰仰視天壇高出雲表狀洵如屋陟

其巔北擁翠嶂千盤南界黃河而繞西距與析城對峙玉臺志曰

析城之山升白氣於天落五斗峰化為濕雲自竇中滴水降太乙

池始知其言之逼肖也迥溯楸川之南曰南迤羣峰蟬聯至南塋

山九十里山名鄙俚不堪詳述東北又從馬跑泉七十里延至龍潭嶺

過兩麻婁五十里峰山在其南側有智井穿嶂過峽至底柱山蒼翠

聯絡如三鳳翔霄可謂山之峭拔者少東曰雪渡坳要隘迤南曰牟

園崖九十里再南曰小圈坪要隘縣南界坪外屬濟境北青蘿水界之

俗名石卷河此間峰極靈異人烟寥落有山靜似古之意雪渡均

東曰狐盤嶺八十里隘口仙人圪關者喬梁扼要處山脊東北曰莽山莽河在其下

即古溴水源孤峰領袖羣嶂擎天如翡翠芙蓉出波爭艷其靈秀

難名可謂山之超軼者水入濟源白澗即舊志所謂望莽孤峰八

景之一也莽山之巔曰三盤山山脊偏北東連七里坂南龍洞河

界之踰河屬黃瓜掌諸山丁牟順在其東南八十里隘口人橋為扼要處再東

曰天尺嶺蓮花池在山腰九十五里隘口南視諸山如長劍倚天峰峰新

淬又如萬朵青蓮橫排銀漢可謂山之濃麗者少東即白雲口百

里要山頂設牆半崖石徑逼窄兩偏萬丈深溝名吊驢橋有一夫

當關萬人莫踰之勢同治六年冬捻逆竄濟聚嘯四晝縣東南界

南曰皂君梁入濟界少北曰荆子關隘口咸豐七年再北曰火石

春始築石邊墻

梯百一十屬濟境成豐三年髮逆亂攻慶邑人王待御通昭

宮娥澗水界之入沁處防口可謂山之險峻者澗西曰槐樹圪塔縣境

西曰雲天山山下係孤山九十里設汛其迤北曰東廟嶺南曰葦

園嶺黃龍洞在其下北臨月院諸山水環雲護如海中島嶼出沒烟波江

河水界之至乾河口入沁北岸曰江坂坡五十坡巔十餘里平岡

過三節嶺忽拔地千仞迥出眾山之上曰還龍山四十俗曰石柱

屹堆俯視沁溪西岸巒焉岫焉壑焉瞭如指掌隱谷在其中北麓

曰小嶺漫上河界之即桑林水其西南曰郎山四十東軒河界之入江

河南則洞岩菓嶺曠山在焉六十東連龍岩南迤八里背六十折

西係獨泉諸山五十轉北由繩東嶺至東冶鎮四十里有清

是皆桑林河即成湯轉南處皇甫以南之山而桑林北岸之山

又從龍潭嶺四十東北岡連岫轉一從小桃河北嶺延至歧均東

南再起峻嶺曰大馬山山下曰西冶五十膏腴繡壤碧水竟川產

異魚山海經鮪魚閉雷奔竄一延至檜樹廟嶺三十支分於北者

係下交諸山前明原襄敏公嶂列如屏水環似帶水向西流入茹

河即析城北門之水東入濩澤者也東由孤確底三十過杏林峽

至臺頭鎮二十北龍洞河界之水入桑臺頭北神泉山金臺寺

嶺曰摩天嶺古嶺東係澗坪諸山冷水河界之入漫嶺北至上白

日及系云 卷之三十一 方輿

桑二十里產又分兩支北去之支曰南崦山十五里白桑水泉之

水礮廠百總設東走曰香臺山產橫峰極聳秀延至馬山三十里石趾

插沁析城東門之支至此盡焉其分支於北門者從生長其名七

蜿蜒至迴龍廟五十里廟西從榛泉嶺七十里延至岩山四十里東走曰

瘦驢嶺三十里石皆露骨陡徑崎嶇石趾插南河廟北曰北嶺四十里

有徐侯祠道光二十年前令徐瓌力禁營馬入少南曰中華頂斜

對馬鞍山折而北走曰鸞嶺四十里有古寨再數里曰劉福莊亦

虞帝廟延至封頭二十里吊猪岩下下交河入渡水處踰河又曰匠嶺

前明名臣楊貞此嶺從河北鎮中峰頂盤旋而來東走曰史家嶺

與白桑諸山相毘連從北走岡陵縣衍至窪迪八里突起高阜

曰黃龍嶺五里嶺南淇納東支過長吟嶺至南安陽十里支盡北支

趨南紳嶺三里繞縣東郭轉至小崦山三里翠柏蒼松下臨渡水亦山

之幽靜者渡水自白澗嶺下古寨流逕淵坡與南河合經此又折流

至平頭莊下入沁二十里以上析城分支諸山皆在渡澤以南並南

境諸水至此畢矣縣西一帶岡陵又從沁邑鹿臺山七十里發宗支

走於北者入縣境之黃山六十里支走於東者入縣境之老鶴嶺四十

五里萬齡觀在山腰西試先以老鶴嶺分支紀之支延東南者曰陶嶽出五

里福勝寺少東南曰銅窰嶺五十五里水經注謂銅于崖卽此嶺東

在其下

北係董封鎮五十里相傳為首趙陶峪水西來界之入南河東

岡嶺起伏過天子嶂穆天子傳天子食邑至礁嶢山隋書作礁燒名見

經其形平偏突聳如巨鶴昂頭兩翼低垂可謂山之軒爽者山南

曰次營壽聖寺東遷至西風神嶺三十侯井居其南少西曰周壁

二十五里北齊遣護國將軍上官顯顯屯兵於此作拒周之壁嶺東曰樸村二十由高陽山縣連

至澗坡十五澗水出山會南河處以上諸山介于澗澤南河之間

者澗水以北諸山從老鶴嶺東偏之萬戶山又分數支高曠凌虛

萬象在覽可謂山之雄峻者一由白澗嶺澗水出支趨固隆鎮五

五里一由小壑山東走四侯諸山三十里東四東北亂石嶺又折而

南下曰澤城三十里澗澤澤縣即此東繞清溪水入澗澤一由大壑山四十

過白龍山三十延至清池一十東走曰風神嶺十嶺南曰臺底嶺

二十里獻義河界之風神嶺東旋踰走馬嶺五至縣風雲雷雨壇

壇南有華嚴寺即十方院支盡一由將軍坳三十至佛爺池神仙山在其南境

極幽秀少北曰畫山支走于北者曰卧虎山靈泉寺與劉村嶺對

峙支走于南者係陽邑嶺十五四河流逕王曲十界之水入澗畫山

少東曰營匠山又分三支一由漢邱嶺十南突起尖峰曰望禾臺

特鍾靈秀鳳翼東翔至鳴鳳村田少宰公嶺首南有福係縣城縣

曰鳳凰城以其形似北魏興安二年移澗澤萬山拱翠三水抱城

易城縣志 卷之三方輿 七

烟樹樓臺高于雉堞望禾慶東北一嶺曰山頭里如鳳為巖

戲水為治城護山一支自白溝十五里東阜偏北嶺脊東下曰美泉

有古寨東南蜿蜒至尹家溝十里南嶺過陽高泉五里有古寨盤旋至官道

嶺五里西係鷲峰俗曰東坡頭有鷲峰寺坡北有清涼龕南屬北安

陽十里有古寨香洪上十五里諸山東走曰中南山十二里嶺後在

其南餘糧再東曰練上二十里嶺延至沁濱支盡此皆蘆河南岸諸

山其北岸諸山又從鹿臺分支于黃山延至雙坳嶺過竹林頂東

南曰午泉五十五里三里許曰靈通山側有黑龍湖風洞南曰宜固五十

寨有古寨至西佛山下曰陽陵村四十五里漢陽河縣故城即此此山一帶岡陵係大

支脈延至東佛山迤北曰仙公山以下係縣北諸山由大樂嶺南

下曰劉村鎮四十里有古寨大樂水流東過泗頭水由寨溝流迤

曰紫沙坳四十里切南曰北崦山標靈著異萬柏雲連亦可謂

山之奇特者白岩居其右龍岩寺在岩腰方山在其左從方山蜿蜒南走

曰香神嶺二十五里開明寺在嶺北寺北曰望川縣北界在沁河西岸對岸曰

屯城二十里過下佛二十里觀音岩延至王村二十里靈支盡又從香

神嶺東南盤旋至高峪嶺二十里又數里曰薛家嶺二十里以下係縣

東諸山至小天壇山山側曰劉華村十五里有寨孔寨十里有古寨諸山跨

于西雲峰寺在其中山下湧有溫泉人莫能定其時歲入水中消滅

葶不苦其寒曲折延至沁渡津二十里支畫以上諸山隨盧溪烟波

雲樹七十餘里盤屈至此一帶山脊東臨沁水蓋為沁河西岸山

矣其沁河東北岸山則與西南迥不同宗脈自泃陽六十里岳神山

五十里透迤而來至樊山四十五里山陰有百鶴序係為陽鳳沁三

邑分界處九蕊芙蓉儼具圖畫陟其巔目近雲低昂頭天外南視

十岩萬壑較若列眉俯認沁東岡陵如平原曠野畧分溝洫村墟

烟樹渺如棋子布列眾水藏于山麓不露惟沁水繞西若斷若連

波明如練可謂山之包羅萬象者山腰係沁水縣王則街東下入

縣溝底村縣東北偏右界山南側曰可樂山峻岩從高而下至上莊二十里

有古寨王家宰與樂園在焉有泉一泓冬暖夏涼清潔可掬流不數武入地潛

行里餘又出而滌洞焉名曰止水隨山繞至莊河口入史山河山

西南跨卧虎山過屯城三十里有古寨秦白起坑趙卒時屯兵于此張太宰虎谷在焉蔚然東走

為上佛二十里有古寨嶺接岡連又若鸞之翥鳳之翥悠然而下從鷄架

山二十里至紫臺嶺潤城鎮二十里古寨名砥洎城在焉山東北層巒疊嶂起

伏繚連岩腰有老姆掌四十里岩下產硯石水經注所謂青底墨花石即此雨後懸岩瀑布

響應山谷盤屈下趨至黃沙嶺嶺腰縣東北界一名其巔古松偃

蹇如翠蓋擎天迤西虞家山三十里盤旋至魚山有梅子岡飛魚閣

巖如翠蓋擎天迤西虞家山三十里盤旋至魚山有梅子岡飛魚閣

女貞午亭山即張祠東山寇古寨峙于左紫雲軒繞于右山下淺沙細石

流水游浚曰樊川川西即郭峪鎮三十里夾河三寨鼎峙城堞儼然

最聚落之佳勝者順流而下山均有金裹谷海會寺在谷中龍泉

水繞寺出焉舊志所謂海會龍湫即此史山向東巖腰係鳳陽分

界處從此山脉平分兩支一出東麓折南岡脊東偏屬兩馮村三十

五西偏係史山河入沁處翠眉與峪溝山有雲堆寺並唐仙人祠相連山嵐

明媚石骨空靈沿沁濱拖至河頭堡二十里西麓石崖千仞俯視

沁流澄波漱灑一葦可杭岸脚溫泉百眼爭出億萬明珠噴散水

面嚴冬蘋藻荇芹竟川含綠蓋由地脉之盛焉舊志所謂沁渡扁

舟亦境之幽勝者又從東直趨周村四十里踰焦水河此水出黃

逕大水溝下漸起平岡至將軍廟嶺三十里吳將沙嶺下流由北留有古寨折

趨南留延至門樓底崇岡突起曰西坡二十里至劉家莊嶺首百里

內羣山週繞聳黛浮嵐無不寓目從西坡土阜蜿蜒東走曰石苑

三十至南莊頭砥柱麻婁峰峰山色隔沁飛來宛如圖畫再由泚

壁堡三十里度阡越嶺至章訓四十里西係高峯嶺泚壁河循嶺南趨

東入沁水界之東走曰石塘四十五里兩崖壁立山勢嵯峨陽阿

水中流水與石擊聲若怒雷相傳即酈道元所謂午壁亭也水隨

峰轉過橫嶺東至棲龍潭水石相激無異石塘潭東曰高會屬風

臺縣東南偏左界

里許入沁處曰九女臺下窈上豐孤峰高擇四圍山色蒼茫半崖
石罅紛吐白雲薜蘿紅樹間有猿猴攀附境之最幽秀者舊志八
景之一曰九女仙臺卽此距九女臺十里曰李孫坪居水右對岸
曰黃坦坪係鳳臺境從此下流至宮娥澗山口百四十里水光山
色綿邈入勝水左岡陵皆鳳境水右山谷皆縣境前志謂杜家河
下至范家河皆在水左屬鳳境與縣無涉康熙志謂宮娥澗卽枋
口前志駁之引晉司馬孚使野王典農中郎將夾岸累石爲門以
興水利故有枋口之稱茲考其地望枋口應在宮娥澗下流盤谷
之側其地皆屬濟源對岸仍屬鳳境距五龍口沁水出山一百一十里
總之陽城山水至宮娥澗山口爲歸宿之所越一嶺係李愿盤谷
泉甘土肥雖峰分兩縣而實析城盡所袤支山墮山水之盤錯交結
至此亦靈異矣哉縣方百里山辨三心不支分幹別原不勝記然山
之脈絡非水不明水之源委非山不辨昔人志水而山可互見今
此志山而水亦兼詳凡前人之所未及遊邑志之所未及述者以
八載國防之故周萬山巡警之區雖不能窮幽關奧亦頗可包括
無遺且悉舉古蹟口隘道途遠近而誌各山使觀者常可作遊覽
之圖變可握籌防之要後之君子或有取焉則邑之形勝瞭如指
掌矣



國朝文獻通考卷之八十四

禮部考卷之八十四

禮部考卷之八十四

禮部考卷之八十四

禮部考卷之八十四

禮部考卷之八十四

禮部考卷之八十四

禮部考卷之八十四

25386

